

Հ Ա Ն Գ Ի Ս Տ

Տ. ՀՈՎՀԱՆՆԵՍ ԵՎԱԳ ԳԵՀԱՆԵՍ ՏԵՐ-ՄԻՆԱՍՅԱՆԻ

Ապրիլի 4-ի գիշերը ի Տեր հանգյալ Տ. Հովհաննես ավագ քահանա Տեր-Սինասյանը:

Հանգուցյալը ծնվել է 1880 թվականին Աբարանի շրջանի Գյուլուջագ գյուղում: Փոքր հասակից նա տեղափոխվել է Բաթումի, ուր և ստացել է հոգևոր կրթություն: Երկար ժամանակ նա ծառայել է տեղի հայոց եկեղեցում իբրև դպիր: 1914 թվականին հոգևոր վերին իշխանությունը, գնահատելով նրա հոգևոր ծառայությունը և ընդառաջելով իր ծննդավայրի բնակչության դիմումներին, քահանայական ձեռնադրություն է տվել իր ծնրնդավայրի վրա:

1914 թվականից մինչև իր վախճանման տարին նա հաջորդաբար ծառայել է իբրև վանահայր, եկեղեցական գործերի կազմակերպիչ և ավագներից Երևանի Ս. Հովհաննես եկեղեցում և Աստրախանի ու Կիրովաբադի եկեղեցիներում: 1952 թվականի վերջերը Կիրովաբադում ծանրապես հիվանդանալով, տեղափոխվում է Երևանի իր սեփական բնակարանը, որտեղ վրա է հասնում մահը:

Բուրյանվեր և անձնատիր այս եկեղեցականը առաջին օրից ցույց է տվել գործելու ջանք և նվիրվածություն: Վերադառնալով հոգևոր իշխանություն կարգադրությամբ ուր որ էլ ծառայել է, շնորհիվ իր համեստ, բարի և ամբասիր վրանքի, կարճ ժամանակի ընթացքում նրան հաջողվել է շահել իր հոտի



համակրանքն ու վրատահությունը: Ահա թի ինչո՞ւ իր ձեռնադրությունից հետո մինչև 1920 թվականը հաջորդաբար նա գնահատվել է ավագության, լանջախաչ և ծաղկյա փիղոն կրելու իրավունքներով:

Ապրիլի 5-ին, Երեւանի Ս. Հովհաննես եկեղեցու քահանա հայրերը՝ Տ. Վարդան ավագ քահանա Գրիգորյանի գլխավորությամբ, հանգուցյալի բնակարանում կատարեցին լվացման և տան կարգը և ապա մարմինը տեղափոխեցին Ս. Հովհաննես եկեղեցին: Ապրիլի 9-ի առավոտյան, Վեհափառի հատուկ կարգադրությամբ, պատարագեց և օծումը

կատարեց գերաշնորհ Տ. Սահակ եպիսկոպոսը, մասնակցությամբ հոգեշնորհ Տ. Նահապետ վարդապետի և Երևանի եկեղեցիների քահանայական դասի: Պատարագիչ սրբազանը գեղեցիկ և հակիրճ քարոզով վեր հանեց հանգուցյալի նվիրումն ու արժանիքները:

Հուլարկավորությունը, սրբազանի նախադասությամբ, կատարվեց Ս. Հովհաննես եկեղեցուց դեպի Բերիայի մոտակա մեկ ավանը, որտեղ թաղվել են իր սիրելի հարազատները: Թաղումը կատարվեց արժանավայել, իր հարազատների և համակրիների ներկայությամբ:

Տեղը լուսավորի հանգուցյալի հոգին:

